



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Johannis Strauchi[i] Jcti Amoenitatum Juris Canonici
Semestria duo**

Strauch, Johann

Jenae, 1675

Cap. XXVI. Ad cap. 30. h.t.

urn:nbn:de:hbz:466:1-10224

CAP. XXVI.

Ad cap. 30. h. t.

S U M M A R I A.

1. Legionensis, Leodiensis, corruptè.
2. Abbatia S. Projecti.
3. Duo Projecti.
4. S. Prix.
5. S. Quintini urbs.
6. Vermand Abbay.
7. Raymundus refellitur.
8. Tornacensis Episcopatus.
9. Species cap.

*Legionen-
sis, Leodien-
sis, corru-
ptè.*

*Abbatia S.
Projecti.*

*Duo Proje-
cti.*

S. Prix.

*S. Quintini
urbs.*

*Vermand
Abbay.*

*Raymundus
refellitur.*

*Tornacensis
Episcopatus.*

Species cap.

Nescio unde Legionensis atq; etiam Leodiensis Archiepiscopus irrepserit. In compilatione quinta ita habet: *Abbatii & Priori S. Projecti & I. de villa Wade Canonico S. Quintini Noviomensis.* Ecce alla omnia quàm quæ Raymundus. Abbatia S. Projecti, Ordinis S. Benedicti, Noviomensis diocesis, in suburbio S. Quintini. Duo reperiuntur S. Projecti, unus martyr cum S. Tyrso, in martyrologio Romano: Alter Episcopus Arvernensis & martyr, apud Ulsuardum. Vide Sigebertum ad annum 670, vulgò *S. Prix*. Sancti Quintini fanum, præcipua olim Veromanduorum Comitum sedes, ejusdem dioceseos Noviomensis. Josepho Scaligero videtur esse Augusta Veromanduorum ista Quintinopolis, sed nihil urbis hujus Augustæ restat. Nam & sedes Episcopalis translata Novionum à S. Medardo Episcopo XIV. Noviomensis. Tantum cœnobium & Abbatia Ordinis Præmonstratensis inter Peronam & S. Quintini fanum superest & retinet nomen, *Vermand Abbay*. Vide Miræum in Notitiâ Episcopatum. Clericus, de quo in hoc capitulo, apud Raymundum dicitur Callimachus. Sed in compilatione 5. Revardus appellatur. Raymundus Archiepiscopum Tornacensem in scenam producit, qui nullus est. Non enim Tornacum Archiepiscopatus est, sed Episcopatus suffraganeus Remensis. Imò olim Tornacum unitum fuit Noviomensis anno 528. sub Medardo, usque ad annum 1146. quo procurante S. Bernardo proprius ei datus fuit Episcopus, sexaginta annis ante Honorium. *Vide supra cap. nostrum 14. hujus Eclogæ.* Species capituli hæc est: Ravardus clericus Noviomensis pro præbendâ obtinendâ in Ecclesia S. Crucis Cameracensi

